

SVV/ acc

EXPEDIENTE	2025076021
ASUNTO	PROGRAMA "PROVINCIA ACTIVA" 2026
TRÁMITE	APROBACION DA RELACIÓN PROVISIONAL DE SOLICITUDES ADMITIDAS E EXCLUIDAS XUNTO COAS CAUSAS DE EXCLUSIÓN DO PROGRAMA PROVINCIA ACTIVA 2026

A Deputada Delegada da área de Igualdade e Benestar Social, no exercicio das competencias delegadas pola Presidencia, dita a seguinte RESOLUCIÓN

Visto o informe da Xefatura do Servizo de Benestar Social, de data 13 de abril de 2026, co CSV: FJOBIM2MRTM8Z8B, que é do seguinte teor literal:

*"ANTECEDENTES*

*Primeiro.- A Deputación de Pontevedra, a través do Servizo de Benestar Social, organiza actividades no ámbito da educación non regrada dirixidas a persoas maiores de 50 anos, xubiladas e pensionistas, a través de distintos obradoiros e coa finalidade de favorecer o envellecemento activo.*

*Neste contexto, a Deputación de Pontevedra asume, co programa "Provincia activa", o fomento da participación das persoas maiores en actividades que promovan a creación de espazos de encontro e intercambio de experiencias e que permitan impulsar a súa independencia para evitar o illamento e as*



*situacións de soidade non desexadas mediante esta nova convocatoria ofertanse 160 obradoiros, cun número máximo de 25 prazas en cada un deles, o que supón a participación de máis de 3.000 persoas.*

*Segundo.- A Xunta de Goberno da Deputación de Pontevedra, na sesión ordinaria celebrada o 26 de decembro de 2025, aprobou as Bases reguladoras do programa "Provincia activa" 2026 (BOPPO do 11 de febreiro de 2026).*

*Terceiro.- Este programa promove a participación en cada edición de 160 entidades sociais sen ánimo de lucro que traballan no eido de persoas maiores, xubiladas e pensionistas da provincia, a través das cales as persoas maiores de 50 anos realizan cada edición obradoiros temáticos para favorecer a participación e a cooperación social.*

*Poderán beneficiarse do programa as entidades sen ánimo de lucro de persoas maiores, xubiladas e pensionistas da provincia de Pontevedra dalgunha das seguintes tipoloxías:*

- Asociacións, federacións ou confederacións e fundacións que figuren no Rexistro único de entidades prestadoras de servizos sociais (RUEPSS) como entidades de iniciativa social dentro da área de maiores da provincia de Pontevedra.*
- Entidades que figuren no Rexistro xeral de asociacións, rexistradas dentro da provincia de Pontevedra e clasificadas nas seguintes categorías tipo: terceira idade, pensionistas e xubilados.*



- *Asociacións de persoas maiores, pensionistas, prexubiladas e xubiladas non recollidas nas anteriores.*
- *Outras entidades non rexistradas nas categorías anteriores que desenvolvan actividades de iniciativa social dirixidas a persoas maiores de 50 anos.*

*Cada entidade solicitante deberá acreditar antes do inicio de cada obradoiro que o 70 % do alumnado ten 50 anos ou máis no momento da inscrición, e que hai un número mínimo de 15 persoas inscritas.*

- *Só se poderá solicitar un obradoiro por entidade.*
- *As temáticas, os obradoiros e o número de prazas ofertadas recóllense no anexo I, Catálogo de obradoiros.*
- *Cada obradoiro terá un custo de sete (7) euros por participante que deberán aboar á entidade solicitante*

*Cuarto.- A contía consignada para este programa é de douscentos sesenta e seis mil cincuenta e cinco euros con trece céntimos (266.055,13 €), con cargo á aplicación 26/231.2311.227.07 do Orzamento provincial.*

*Quinto.- Unha vez rematado o prazo de presentación de solicitudes ( do 12 de febreiro ao 11 de marzo de 2026) rexistráronse un total de 294 solicitudes, que*



*foron obxecto de estudo e comprobación por parte do Servizo de Benestar encargado da instrución do expediente, sendo o resultado o seguinte:*

*- 249 solicitudes resultaron admitidas a trámite por cumprir os requisitos establecidos nas bases reguladoras.*

*- 45 solicitudes resulta excluídas polas seguintes causas:*

- 39 solicitudes resultaron excluídas por presentar máis dunha solicitude de participación*
- 1 solicitude resulta excluída por non presentar a solicitude a través do procedemento habilitado establecido*
- 5 solicitude resulta excluída por non achegar a documentación esixida.*

*Sexto.- O procedemento de concesión dos 160 obradoiros será o de concorrencia non competitiva. Segundo as bases en caso de que o número de solicitudes exceda o de obradoiros ofertados, desde a Deputación elaborárase a lista seguindo a orde de prelación que se detalla a continuación:*

*1) Asociacións, federacións ou confederacións e fundacións que figuren no RUEPSS como entidades de iniciativa social, dentro da área de maiores, da provincia de Pontevedra.*



- 2) *Entidades que figuren no Rexistro xeral de asociacións da Xunta, rexistradas na provincia de Pontevedra e clasificadas en actividades dirixidas a persoas maiores.*
- 3) *Asociacións de persoas maiores, pensionistas, prexubiladas e xubiladas non rexistradas entre as anteriores.*
- 4) *Outras entidades non recollidas nas categorías anteriores, excepto entidades específicas de mulleres e/ou igualdade.*
- 5) *Entidades específicas de mulleres e/ou igualdade.*

*A prelación dentro de cada grupo de entidades será por orde de rexistro de entrada das solicitudes. Tendo en conta o anterior, cubriranse de forma inicial un máximo de 160 obradoiros e o resto das solicitudes quedarán en lista de agarda.*

*Sétimo.- Segundo a base décima das bases reguladoras "De conformidade co establecido no artigo 45 da LPACAP, unha vez finalizado o prazo de presentación de solicitudes, publicarase na páxina web da Deputación de Pontevedra a relación provisional de entidades admitidas e excluídas, xunto coas causas da súa exclusión.*

*Unha vez publicada a lista provisional, concederase un prazo de dez (10) días hábiles para emendar os erros das solicitudes excluídas e achegar a documentación requirida que falte; transcorrido este prazo, publicarase a*



*relación definitiva de entidades admitidas e excluídas na páxina web da Deputación de Pontevedra.*

*Enviárase unha mensaxe de texto de avisos relacionados co programa ao teléfono móbil indicado a tal efecto polas entidades beneficiarias que o autoricen.”*

Vista a dilixencia de Intervención de data 13 de abril de 2026 (CSV: QIEMUV5W7E1UW9FX) favorable á tramitación do presente expediente.

A vista do exposto, de conformidade co disposto na Resolución Presidencial nº 2025008021, de 3 de outubro de 2025, sobre delegación de atribucións do presidente, RESOLVO

Primeiro. Aprobar a relación provisional de solicitudes admitidas e excluídas xunto coas causas de exclusión do programa “Provincia activa” 2026, que figuran no expediente co CSV HVF6TL2L2XWA49IQ e HAQQ41637J6LQ6ZV

A inclusión nesta relación provisional non xera dereito algún para os interesados, xa que logo se poden producir variacións que resulten da presentación de documentación e/ou alegacións. Unha vez resoltas as alegacións e/ou comprobados os datos que se achegan, o servizo instrutor formulará proposta de resolución que sometera á aprobación do órgano competente, que resolverá a convocatoria.

Segundo. Publicar na páxina web da Deputación de Pontevedra esta Resolución xunto a relación provisional de entidades admitidas e a relación provisional de entidades excluídas coas causas de exclusión destas últimas.



Terceiro. Conceder un prazo de dez (10) días hábiles, contados a partir do día seguinte ao da publicación na páxina web desta Resolución, para emendar os erros da solicitude e achegar a documentación requirida.

Cuarto. Todos os trámites administrativos que as persoas interesadas deban realizar durante a tramitación deste procedemento faranse por medios electrónicos a través do modelo “2887054 Trámites administrativos xenéricos distintos da solicitude”, dispoñible en <https://sede.depo.gal>

Asinado dixitalmente na marxe

*Contra a presente Resolución, por tratarse dun acto de trámite non cualificado, non caberá recurso algún de acordo co disposto no artigo 112 da Lei 39/2015, de 1 de outubro, do Procedemento Administrativo Común das Administracións Públicas. As persoas interesadas poderán alegar a súa oposición á mesma para a súa consideración na Resolución que poña fin ao procedemento.*

